



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 1. Nomen & Origo.

urn:nbn:de:hbz:466:1-13120

Populationibus aptissimi erant, & quantum Romani pugnandi arte, tantum hi incursionibus valebant, Liuius lib. 2. quod Virgilius sic expressit, — semperque recentes

Conuectare iuuat prædas, & viuere rapto.

FINES. A Septentrione per montes dirimuntur à Sabinis & Marsis; ab Occidente Latinis, seu Latio Antiquo in quod excurrebant per montem Algidum; ab Oriente attingebant Marsos, & Hernicos; à Meridie denique distinguebantur à Nouo Latio per montes supra Sacriportum.

§. 3. De Vrbe, seu Romana Ciuitate.

ROMANA ciuitas à Romulo & pastoribus ut vulgo creditur condita, à sceleratis atque decoctoribus in Asylum confluentibus aucta, ex initii adeò paruis crevit ut eius murum per iocum Remus dicatur transiliisse. Eius Epitheta in syllabum digesta legere poteris apud Ortelium in Latio antiquo, quorum hæc præstantissima; *Aeterna, caput gentium & orbis, curia dignitatum, mundi miraculum, orbis officina, templum omnium virtutum, Vranopolis, &c.*

NVM. I. Nomen & Origo.

ROMÆ aliud nomen fuisset impositum per Aborigines tradunt Plinius, Festus, Macrobius, & alij, quod nefas esset nominari; ideoque Valerium Soranum neci datum quod eam vocem appellasset. Quidam Valentiam dictam esse volunt, & vocem Ράμη Græcè ab Euandro formatam esse; sic Solinus cap. 1. Cùm autem antonomaesticos Vrbs dicitur, intelligitur Roma; vt Ἀθηνæ, πόλις Alexandria.

De eius conditoribus decem vulgo & amplius recensentur opiniones, quas leges apud Cluuerium, & Onuphrium ad mausoleum hic diffusos.

NVM. 2. Amplitudo.

DIONYS. Halic. lib. 14. ait Romam non multo capaciorem Athenis esse, at Athenæ ex Thucyd. sunt stadiorum 178. quæ efficiunt M. P. 22. & passus 250. A quo non multum aberrat Olympiodorus apud Photium, qui ait Amonem Geometram dimensum Vrbem quo tempore eam Gothi invaserunt, inuenisse 21. Millaria,

ria,